

Saksprotokoll i fylkesutvalet - 20.10.2021

Marthe Hammer (SV) sette på vegner av SV, SP, MDG, A, V, KRF fram slikt forslag:

«Tillegg

Fylkesutvalet ber administrasjonen om å komme attende med ei oppdatert sak på kva som vert nasjonale rammebetingelsar knytt til avansert biodrivstoff og omsetningspåbudet, og kva for verkemiddel fylket kan nytte for å nå sine mål knytt til nullutslepp innan kollektivsektoren.»

Silja Ekeland Bjørkly (H) sette på vegner av H, FRP fram slikt forslag:

«Alternativ punkt 3

3. Midlar som vert frigjort, som følgje av at kravet om biodrivstoff går ut, vert disponert som del av budsjett 2022/økonomiplanperiode 2022 - 2025.»

Avrøysting

Innstillinga punkt 1 og 2 vart samrøystes vedteke.

Ekeland Bjørkly sitt forslag fekk 7 røyster (FNB, FRP, H, UA) og fall.

Innstillinga punkt 3 vart vedteke mot 7 røyster (FNB, FRP, H, UA).

Hammer sitt forslag vart vedteke mot 1 røyst (UA).

Vedtak

1. Fylkeskommunedirektøren får fullmakt til å forhandle ut kravet om biodrivstoff i busskontraktane i Vestland.
2. Fylkeskommunedirektøren kjem attende med eiga sak om biodrivstoff i ferje- og båtkontraktane når det er avklart om det vert innført omsetningskrav for sjøtransport.
3. Midlar som vert frigjort, som følgje av at kravet om biodrivstoff går ut, vert disponert som del av budsjett 2022/økonomiplanperiode 2022 - 2025, og skal i hovudsak gå til tiltak som gir kutt i klimagassutsleppa, som til dømes elektrifisering.
4. Fylkesutvalet ber administrasjonen om å komme attende med ei oppdatert sak på kva som vert nasjonale rammebetingelsar knytt til avansert biodrivstoff og omsetningspåbudet, og kva for verkemiddel fylket kan nytte for å nå sine mål knytt til nullutslepp innan kollektivsektoren.